

Visoki predstavnik zabrinut izjavom Predsjedništva BiH kojom se nominiranje predsjedavajućeg Vijeća ministara BiH povezuje sa konstituiranjem Doma naroda BiH

Visoki predstavnik, Wolfgang Petritsch, je zabrinut jučerasnjom službenom izjavom Predsjedništva BiH, kojom se imenovanje predsjedavajućeg Vijeća ministara BiH odlaze do konstituiranja Doma naroda BiH.

Glasnogovornik Predsjedništva BiH je izjavio da Visoki predstavnik podržava ovaj stav. To je u najmanju ruku pogrešno tumačenje. Visoki predstavnik želi da članovi Predsjedništva BiH opravdaju povjerenje koje im je ukazalo izborno tijelo. Članovi Predsjedništva BiH moraju osigurati da institucije, koje usvajaju važne zakonodavne promjene koje predstoje Bosni i Hercegovini, što prije započnu sa radom.

Međutim, prije nominiranja predsjedavajućeg Vijeća ministara, Predsjedništvo BiH treba izvršiti konsultacije sa svim relevantnim političkim strankama koje imaju svoje predstavnike u Zastupničkom domu BiH. Predsjedništvo BiH ima ustavnu obavezu da za predsjedavajućeg Vijeća ministara nominira osobu koja će najvjerojatnije dobiti potvrdu Zastupničkog doma, u skladu sa regularnom parlamentarnom procedurom. Prema Ustavu, Dom naroda nema ulogu u ovom procesu, te iz tog razloga nema potrebe da Predsjedništvo BiH čeka na konačno konstituiranje oba doma Parlamentarne skupštine BiH da bi nominiralo

predsjedavajućeg Vijeća ministara BiH.

Visoki predstavnik želi podsjetiti sva tri člana Predsjedništva BiH da Bosna i Hercegovina mora hitno ispuniti brojne uslove koji su utvrđeni Briselskom deklaracijom Vijeća za implementaciju mira koja je usvojena u maju 2000. godine, "Road Map"-om Evropske unije, na Zagrebackom samitu i u standardima koje je definiralo Vijeće Evrope. Potrebno je hitno provesti reforme, očekivanja su velika, a vjestacki kreirana odlaganja su neprihvatljiva.